



Atassut  
Siverth K. Heilmann

30. september 2021  
UKA 2021/20

**Kalaallit Nunaanni aalisarnermi pisarineqartartut isumalluutinik atuinnermut akitsuutaat pillugit Inatsisartut inatsisaata allanngortinneqarneranik Inatsisartut inatsisaat.**  
(Aningaasaqarnermut Nunamullu Nammineq Naalakkersuisoq)

Kalaallit Nunaanni aalisarnermi pisarineqartartut isumalluutinik atuinnermut akitsuutaat pillugit Naalakkersuisut saqqummiussaqaqarnerannut qujanaq imatullu Atassummiit oqaaseqarfigissavarput.

Nunatsinni aningaasarsiornitta pingaarnersaanni avataasiorniluni sinerissallu qanittuani aalisarnermi inatsit, Inatsisartuni Naalakkersuisunilu, naleqqussaaneqpassuit ingerlattarpagut, naak tamatigut susassaqaqartunit isumataaffigineqartanngikkaluartut.

Atassummiit oqariartaasigaarput. ”Pinngortitaaq aqussinnaanngilarput, inatsisiliortutulli naleqqussaaneqit avaqqunneqarsinnaanngitsut kiisalu imartarujussuatsinni pisuussutit uumassusillit tammakanngikkunik illikarallartartut”.

Aalisarnerup iluani nunamilu suliffissuit ingerlalluarniassammata, aalisakkallu akiinut orsussamullu pisarialimmik, Nunatta karsianiit tapiissutinik aningaasaliisariaqartarsimavugut kiisalu aalisariutit akiitsoqarpallaalersimappata akiitsunut isumakkeerinnittoqartarsimanera piviusuuvoq.

Atassummiit siulittuutigiarsimavarput, imartatta kissarnerulerneratigut pingaartumik saarullit allallu takkussuuteqikkumaartut. Imartarujussuarput atunngippallaaripput, sinerissallu qanittuani aalisarnermi piujuartitsinissaq sukataarutigineqartaqisoq illersorumagatsigu imminut ataqatigiinngitsumik politikkeqarneq allanngortariaqalerneranik tusaaneqartariaqalerpugut. Taamaaliornikkut aalisakkat aningaasarsiutiginnngisagut suli aningaasarsiornernissamut siunertaqaqarnerput politikikkut tapersersorneqarnissarput Atassummiit pisariaqartipparput.

Atassummiit qularutiginnngilarput, suli aalisarnerneq aqutugalugu aningaasarsiornitta qaffakkiartornera siuariartuinnarsinnaasoq. Naammannngilarmi sinerissap qanittuani ilaatigut aalisartut amerlavallaarneraatigalugit aalisartoqarpallaalerneranik aalisarnermi ataatsimiititaliarsuarmit uparuaasoqarmat. Qeqqertalluunniit avatinnguini avasinnerusumilu aalisarfigilluartakkatsinni ukiuni makkunani aalisartunik takussaasoqarneq ajorpoq, tassali sinerissatta kangerluini pingaartumik bundgarn-ersorneq aallunneqangaarmat.

Piviusoovoq piffiit ilaanni aamma qaleraleqarfinni aalisartut amerlavallaat imminnut qanillutik peqassuserlu ulorianartorsiortillugu aalisartoqartarnera. 1990-ikkut naajartorneranili, raajat qalerallilu biolog-inik manna tikillugu nungulernerartuarneqarput. TAC-imik pisassiissutigineqartut ukioq naaqqajannngitsoq nungunneqaraangata nuannaartaqaanga, paaseqqullugu peqassuseq



ulorianartorsiunnginnera. Ukiuni makkunani. aalisarluarnerulernikkut akitsuusersuinissamullu aalisartut akornanni inatsisartunilu sapiissuseqarnerulersimavugut.

Naalackersuisut inatsimmut allannguiniarnerminni tunngavilersuutaat annikitsuararsuuvoq, taamaattorli Atassummiit tamanut naammaginaratumik paaseqatigiilluartoqarnissaa pingaaruteqarluinnarmat.

Tusarniaanermut sulisitsisut (GE) Royal Greenland A/S-imiillu oqaaseqaataasut imaaliinnarlugit akueriumaneqannginneri siunnersuummullu eqqunngitsumik toqqammaveqannginneraalluni siunnersuummut maannakkutut iluseqartillugu piviusunngortinneqartariaqannginneranik oqariartuuteqartoqarnera Atassummiit maluginiarparput.

Naak siunnersuummi piumasaqaataasooq aalisakkanut Kalaallit Nunaannit anninneqartunik nalunaaruteqarnissaaq matumani kisimi pineqaraluartoq, taamaattoq KNAPK tusarniummut akerliliissutissaqanngitsoq Atassummiit maluginiarparput aammali KNAPK-p sinerissap qanittuani qaleralinnut akitsuusersuineq, qanoq piniarneqarnersoq politikkikkut erseqqissumik nalunaartoqarnissaa kissaatigineqartoq Atassummiit maluginiarparput.

Atassummiit isumaqarpugut, suliamik akuersilluni akerliulluniluunniit nalunaannginnermi pisariaqarluinnartoq, tusarniaanermi oqaaseqaatit suliap aappassaaneerneqartigani ataatsimiititaliami susassaartumi peqqissaarullugu nalilersorneqaqqaartariaqartut.

Qujanaq.